

Design
mode...

ঋণ হিসেবে ডলারের পরিবর্তে বাংলাদেশকে চীনা মুদ্রা রেনমিনবি (ইউয়ান) ব্যবহারের পরামর্শ দিয়েছে চীনের এক্সপোর্ট-ইম্পোর্ট (এক্সিম) ব্যাংক। গভীর দ্বিপাক্ষিক সহযোগিতা ও ডিজিটাল সংযোগ প্রকল্প বাস্তবায়ন ত্বরান্বিত করতে এই পরামর্শ দেওয়া হয়েছে।

এক্সিম ব্যাংকের রেয়াতি ঋণ বিভাগের ডেপুটি জেনারেল ম্যানেজার লি কিউনজি বলেছেন, ‘চলমান মার্কিন ডলার সংকট বিবেচনায় রেখে ডিজিটাল সংযোগ স্থাপনে অগ্রগতি ত্বরান্বিত করতে জোরালোভাবে সুপারিশ করছি যে ঋণ মুদ্রা (লোন কারেন্সি) হিসেবে ইউয়ান ব্যবহার করুন।’

বাংলাদেশ ব্যাংকের কর্মকর্তারা বলেছেন, সরকার চীনকে ইউয়ানের পরিবর্তে মার্কিন ডলারে ঋণ পরিশোধ করে। তাই বর্তমান সংকটের পরিপ্রেক্ষিতে এ বিষয়ে যৌক্তিক সিদ্ধান্ত নেওয়া হবে।

২০১৬ সালের অক্টোবরে চীনের প্রেসিডেন্ট শি জিনপিংয়ের ঢাকা সফরের সময় স্বাক্ষরিত একটি সমঝোতা স্মারক অনুসারে ২০ বিলিয়ন ডলার ঋণের আশ্বাস দিয়েছে। পিবিসি প্রকল্পটি ছিল ২৭টির মধ্যে একটি যার পরিপ্রেক্ষিতে এই ঋণ অনুমোদন করা হয়।

বাংলাদেশ চীনে পণ্য রপ্তানি করে প্রায় ১ বিলিয়ন ডলার আয় করে। যেখানে বিশাল অর্থনীতি থেকে আমদানি বার্ষিক ১৫ বিলিয়ন ডলার। এছাড়া বর্তমানে দেশে চীনা অর্থায়নে সাতটি প্রকল্প বাস্তবায়িত হচ্ছে। এসব প্রকল্পের জন্য মোট ৭৬৪ কোটি ডলার দিচ্ছে চীনের এক্সিম ব্যাংক। প্রেফারেন্সিয়াল বায়ার্স ক্রেডিটের (পিবিসি) আওতায় এসব ঋণ নিয়েছে বাংলাদেশ। এই ঋণের একটি শর্ত হলো- চীনা ঠিকাদারি প্রতিষ্ঠান এসব প্রকল্পে কাজ করবে।

^

Design
mode...

